

Mensahe 9

**Ang Organicong Pagtukod sa Iglesia nga Lawas ni Cristo  
pinaagi sa Kahikayan sa Espirituhanong Metabolismo  
segun sa Sulodnong Pagsinati sa Mga Magtutuo  
ni Cristo nga Nagpuyo sa Sulod**

Basahong Kasulatan: 2 Sam. 7:12-14a; Efe. 3:16-21

- I. Pagpadayag ang 2 Samuel 7:12-14a sa panagna agig hulagway nga nagpakita kanato nga gikinahanglan nato ang Dios nga motukod ni Cristo nganha sa tiunay natong pagkamao aron maumolan pag-usab og Cristo ang tibuok natong pagkatawo—Mat. 16:18:**
- A. Ang walay kataposang pamatigayon sa Dios segun sa gitinguha sa Iyang kasingkasing pagtukod man sa Iyang Kaugalingon nganha sa tawo ug pagtukod sa tawo ngadto Niya (Efe. 3:16-17a); kining masigka-puluy-anan mao ang realidad sa Lawas ni Cristo nga mahingpit sa Bag-ong Jerusalem (Juan 15:4-5a; 1 Juan 2:27-28; 3:24; 4:13, 15-16; Bug. 21:3, 22).
  - B. Ang tuyo sa Dios sa Iyang pamatigayon pagtukod man sa Iyang Kaugalingon diha ni Cristo nganha sa atong pagkatawo—2 Sam. 7:12-14a; Efe. 3:17a; Juan 14:20; Gal. 4:19:
    - 1. Tinguha sa Dios nga iumol ang Iyang Kaugalingon diha ni Cristo nganhi nato; alang ning usa ka butang ang tanang pagkamao ni Cristo ug ang tanang nahuman Niya—Fil. 2:13; Efe. 3:17a; Col. 3:10-11.
    - 2. Gikinahanglan nato ang Dios nga motukod sa Iyang Kaugalingon diha ni Cristo nganha sa atong pagka-tawo, moomol sa Iyang Kaugalingon diha ni Cristo nganhi nato isip atong kinabuhi, kinaiya, ug persona—Efe. 3:17a.
- II. Gipadayag sa Efeso 3:16-21 nga nisulod na ang Tulo-usang Dios kanato aron magbuhat sa buhat sa pagtukod nga Siya mismo ang elemento ug naay butang sab nga gikan nato isip materyal; gihulagway kini sa sambingay sa magsasabod sa Mateo 13:**
- A. Gisabod sa Ginoo ang Iyang Kaugalingon ingon nga binhi sa kinabuhi nganha sa kasingkasing sa mga tawo, ang yuta, aron motubo ug mabuhi Siya sa sulod nila ug mapadayag gikan sa sulod nila—v. 3.
  - B. Gisabod ang binhi sa yuta aron motubo pinaagi sa mga sustansya sa yuta; tungod niana, hinimo sa mga elemento sa binhi ug sa yuta ang abot—v. 23.
  - C. Duna tay mga sustansya sa sulod nato nga gilalang sa Dios isip pagpangandam sa pagsulod Niya kanato aron motubo sa sulod nato; gilalang sa Dios ang espiritu sa tawo nga naay tawhanong mga sustansya uban sa kasingkasing sa tawo ingon nga yuta aron motubo ang diosnong binhi sa sulod nato—1 Juan 3:9; 1 Ped. 1:23; Col. 2:19:
    - 1. Ang kapaspason sa pagtubo nato sa kinabuhi wala mag-agad sa diosnong binhi kondili sa kadaghanon sa mga sustansyang ihatag nato ning binhia; maglabi kadaghan ang sustansyang isangkap nato, labi sab kapaspas motubo ang binhi ug labi kining molabong—Sal. 78:8; Mat. 5:3, 8:
      - a. Kon magpabilin ta sa atong kalag, sa natural nga tawo nato, wala gyoy mga sustansyang makapatubo sa diosnong binhi; apan kon malig-onan ta nganha sa tawo nato sa sulod ug kon magtagad ta sa atong espiritu ug gamiton kini, ikasangkap ang mga sustansya ug makabalay si Cristo sa atong kasingkasing—Efe. 3:16-17; Rom. 8:6; 1 Tim. 4:7.

Mensahe 9 (sumpay)

- b. Kon buot ta nga motubo sa sulod nato ang Ginoo nga binhi sa kinabuhi aron mahimong hingpit nga pagpahimulos nato, bug-os gyod tang mobukas sa Ginoo ug mobulig Niya nga hingpit gyong magbatok sa atong kasingkasing—Mat. 13:3-9, 19-23.
- 2. Sa usa ka bahin, lig-onon ta sa Dios sa Iyang Kaugalingon isip elemento, ug sa laing bahin, ihatag nato ang mga sustansya; pinaagi ning duha buhaton sa Dios diha ni Cristo ang tiunayng pagtukod Niya—ang pagtukod sa Iyang panimalay—sa tibuok natong pagkatawo.
- D. Matod pa sa Biblia, ang pagtubo mao ra ang pagtukod; gipahayag ni Ginoong Jesus nga, “Tukoron Ko ang Akong iglesia” (Mat. 16:18); mahitabo kining pagtukora pinaagi sa pagtubo sa diosnong binhi sa sulod nato (1 Juan 3:9; Efe. 4:15-16; Col. 2:19; Efe. 2:21-22; 1 Cor. 3:1, 6-9, 12; 16:13).
- E. Ang pamatigayon sa Dios pag-umol man sa Iyang Kaugalingon kanato aron makasinati tag metabolicong kahikayan sa espirituhanong paghilis ug paghilis-sagol nga magtransporma isip inanay ug tiunayng metabolicong kausaban sa natural natong kinabuhi; alang kini sa pagtukod sa Lawas ni Cristo nga mohingpit sa Bag-ong Jerusalem—2 Cor. 3:18:
  - 1. Aron mahitabo ang pagtukod sa Dios, dawaton, hilison, ug ihilis-sagol gyod nato ang organico, pneumaticong Cristo, nga mao ang Espiritung taghatag-og-kinabuhi, isip espirituhanong kalan-on, ilimnon, ug gininhawa nato—Juan 6:51, 57; 7:37-39; 20:22.
  - 2. Pahimuslan ngani nato si Cristo sa pagkaon, pag-inom, ug paghanggap nato Kaniya, mahitabo sa sulod nato ang metabolicong kahikayan, ang espirituhanong paghilis ug metabolismo, ug maumol si Cristo sa atong pagkatawo; kining sulodnong metabolismo mao ang pagkatransporma, ug ang pagkatransporma mao ang pagkatukod—Rom. 12:2; Fil. 1:20-21; itandi sa Bug. 21:18; 4:3.
- F. Ang organicong pagtukod sa iglesia nga Lawas ni Cristo pinaagi sa kahikayan sa espirituhanong metabolismo sa pagkatinuod mao ang gipanagna ni Jehova kang David agig hulagway sa 2 Samuel 7:12-14a.

**III. Sa Efeso 3:16-21 nag-ampo si Pablo kalabot sa sulodnong pagsinati sa mga magtutuo ni Cristo nga nagpuyo sa sulod aron organicong matukod ang iglesia nga Lawas ni Cristo—4:12, 16; 2:21-22:**

- A. Nag-ampo si Pablo sa Amahan nga lig-onon unta ta Niya pinaagi sa Iyang Espiritu nganha sa tawo nato sa sulod aron makabalay si Cristo sa atong kasingkasing ug tungod niana maokupahan, mapanag-iya, matuhopan, ug masuropan Niya mismo ang tibuok natong pagkatawo sa sulod—3:16-17a.
- B. Ikapasama ang Tulo-usang Dios sa dakong makina, nga si Pablo maoy tigpalihok; kat-onan gyod nato ang usa ka pagtulon-an, sa ato pa, nga dunay habog nga prinsipyo sa tibuok uniberso; kining prinsipyoha mao nga dunay gustong buhaton ang Dios, apan “makina” ra Siya, ug nagkinahanglan Siyag tawo nga tigpalihok:
  - 1. Sa nag-ampo si Pablo sa pag-ampo sa Efeso 3:16-21, representante siya sa tibuok Lawas ni Cristo.
  - 2. Ang Amahan, ang Anak, ug ang Espiritu mao ang tulo ka “parte” ning unibersohanong “makina,” ug ang Lawas maoy tigpalihok; moampo ngani ta ning pag-ampo isip tigpalihok, mobuhat ang Amahan pinaagi sa Iyang Espiritu

## UNA UG IKADUHANG SAMUEL

### Mensahe 9 (sumpay)

nga palagianan aron malig-onan ang tanang bahin sa tawo nato sa sulod sa tumong nga makabalay ang Anak sa tanang bahin sa atong kasingkasing.

- C. Ang pag-ingon nga kinahanglan lig-onon ta sa gahom nganha sa tawo sa sulod nagpakita nga wala ta sa tawo sa sulod, nga sagad tang nagkinabuhi sa tawo sa gawas—v. 16; 1:19-22; 3:20.
- D. Nagtinguha si Cristo nga mookupar sa tanang lawak sa atong kasingkasing:
1. Ang pamulong *makabalay Siya* usa ra ka pulong sa Griyego, *katoikeo*, nga sukaranong nagpasabot og mopuyo sa puluy-anan, maghimog puluy-anan, ug ang unanggikit (prefix) ning pulonga nga, *kata*, nagpasabot og “ubos”—v. 17a.
  2. Sa magbalay si Cristo sa kahiladman sa atong kasingkasing, gipagamot ta diha sa gugma alang sa umahan sa Dios ug gipasukad diha sa gugma alang sa balay sa Dios—v. 17.
  3. Sa magbalay Siya sa atong kasingkasing, mapuno ta sa kusog sa pagsabot uban sa tanang balaan sa dili masukod nga Cristo, kansang mga sukod mao ang mga sukod sa uniberso—v. 18:
    - a. Ang pagsinati nato ni Cristo diha sa iglesia tuloy-sukod gyod unta, sama sa cubo, (sa gilapdon, gitas-on, gihabogon, ug giladmon) ug dili usa-ray-sukod, sama sa linya.
    - b. Sa tabernaculo ug sa templo, cubo ang Dapit Labing Balaan—Exo. 26:2-8; 1 Hari 6:20.
    - c. Sa kapulihay, ang Bag-ong Jerusalem, ang balay sa Dios, walay kataposang cubo unya, ang Dapit Labing Balaan, nga napulog duha ka libo ka stadia sa tulo ka sukod—Bug. 21:16.
  4. Tungod sa pagbalay ni Cristo sa atong kasingkasing makaila ta sa gugma ni Cristo nga labaw-sa-kahibalo aron mapuno ta ug mahimong tanang kahupnganan sa Tulo-usang Dios aron hiniusang magpadayag Niya, maghimaya Niya—Efe. 3:19-21; itandi sa Gen. 24:47, 53, 61-67.
- E. Gitukod ni Cristo ang iglesia sa pagtukod Niya sa Iyang Kaugalingon kanato, sa ato pa, sa pagsulod Niya sa atong espiritu ug pagpakaylap sa Iyang Kaugalingon gikan sa atong espiritu nganha sa atong hunahuna, pagbati, ug pagbuot aron okupahan ang tibuok natong pagkatawo—2 Tim. 4:22; 1 Cor. 6:17; Efe. 3:17a:
1. Kay ang atong kasingkasing man ang kinatibuk-an sa mga bahin nato sa sulod, ang sentro sa pagkatawo nato sa sulod, ug ang atong representante kalabot sa atong hilig, gihigugma, gikalipayan, ug gitinguha, sa makabalay na si Cristo sa atong kasingkasing, kontrolon Niya ang tibuok pagkatawo nato sa sulod ug sangkapan ug lig-onon sa Iyang Kaugalingon ang tanang bahin sa sulod.
  2. Labi nga mokaylap si Cristo sa sulod nato, labi sab Siyang mopuyo ug magbalay sa sulod nato, mookupar sa matag bahin sa pagkatawo nato sa sulod, manag-iya ning tanang bahina, ug magsurop niini sa Iyang Kaugalingon.
  3. Aron matuman ang pulong ni Cristo sa Mateo 16:18 kalabot sa pagtukod sa iglesia, mosulod gyod ang iglesia sa kahintang nga pabalayon sa daghang balaan si Cristo sa kahiladman sa ilang kasingkasing, papanag-iyahon, pa-okupahon, ug pasuropon sa tibuok nilang pagkatawo sa sulod.
  4. Labi nga maokupahan ni Cristo ang pagkatawo nato sa sulod, labi sab tang matukod uban sa ubang [balaan] diha sa Lawas—Efe. 2:21-22; 4:12, 16.
  5. Naghisgot ang Efeso 3:17 sa pagpagamot ug pagpasukad diha sa gugma; nagpasabot kanang gipagamot ta nga mga tanom ta nga kinahanglan motubo, ug nagpasabot kanang gipasukad ta nga kinahanglan tang matukod.

## MGA TALAMDAN SA PAGTUON-NGA-MAKAPATIN-AW

### Mensahe 9 (sumpay)

6. Matod pa sa versiculo 18, sa kapulihay mapuno ta sa kusog sa pagsabot sa unibersohanong sukod ni Cristo—sa gilapdon, gitas-on, gihabogon, ug giladmon—dili sa atong kaugalingon sa tinagsa kondili “uban sa tanang balaan,” sa ato pa, sa hiniusa ug sa dinuyogay; nagpadayag kini nga kinahanglan matukod ta pag-usa.
  7. Sa makabalay na si Cristo sa atong kasingkasing, mapuno ta ug mahimong tanang kahupnganan sa Dios; kining kahupnganan mao ang iglesia, ang Lawas ni Cristo, nga hiniusang pagpadayag sa Tulo-usang Dios—v. 19.
  8. Maumol ang himaya sa Dios nganha sa iglesia, ug mapadayag Siya pinaagi sa iglesia labaw pa kaayo sa tanan natong gipangayo o gihunahuna; busa, mahimaya ang Dios diha sa iglesia—vv. 20-21.
- F. Gipakita sa Efeso sa 3:16-21 ang espiritu, tinagdan, pag-ampo, ug pagtuo ni Pablo:
1. Pinaagi sa pinadayag gipahibalo kang Pablo ang misteryo ni Cristo (vv. 3-6); busa, ang iyang espiritu ug tinagdan—ang nakita, gisulti, ug gitagad niya sa iyang kasingkasing—may kalabotan sa panan-awon sa pagtukod sa iglesia nga Lawas ni Cristo pinaagi sa sulodnong pagsinati ni Cristo nga nagpuyo sa sulod.
  2. Naokupahan pag-ayo si Pablo ning panan-awona, ug nahimo kining espiritu ug tinagdan niya; busa, duna siyay ingon niana nga pag-ampo (diha sa gin-sakpan ug elemento sa pagtuo) nga nasulat sa Efeso 3:16-21; kon nakita na nato ang panan-awon kon giunsa pagtukod ni Cristo ang iglesia nga Lawas ni Cristo pinaagi sa sulodnong pagsinati ni Cristo nga nagpuyo sa sulod, mabatonan nato ang espiritu, tinagdan, pag-ampo, ug pagtuo ni Pablo sa moalagad ta sa Dios diha sa iglesia.